



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

Luxemburgi, 1739

LIII. Divisio Provinciæ Bavariz Ord. S. Aug.

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

meritis licet, & viribus longe impari committere dignata est, salubriter exequi, adjuvante Domino, jugiter satagentes piis Christifidelium, & præsertim personarum in sublimitate positarum, magnoque virtutum fulgore conspicuarum votis ad augendam in Terris angustissimæ, Sanctissimæque Deiparæ Virginis Mariæ cultum, & venerationem laudabili studio tendentibus favorabilem assensum paterna benignitate libenter præbemus, sicut ad augendam Christiani Populi devotionem conspicimus in Domino salubriter expedire.

Preces Regiæ Portugalliz.

§. 1. Cum itaque sicut nomine Charissimæ in Christo Filiæ nostræ Mariæ Franciscæ Elisabethæ Portugalliz, & Algarbiorum Reginae illustris Nobis per Venerabilem Fratrem Ludovicum Archiepiscopum Bracharen. dilectissimi in Christo Filii nostri Petri Principis Portugalliz, & Algarbiorum Regnorum Gubernatoris apud Nos, & Sedem Apostolicam Oratorem nuper expositum fuit, ipsa Maria Franciscæ Elisabetha Regina pro peculiari sua erga Beatissimam Virginem præfatam devotione festum ejusdem Sanctissimæ Virginis Mariæ de Monte Carmelo quotannis die 16. Julii, seu alia die intra illius octavam cum eodem officio ac Missa propria, quibus Fratres Ordinis ejusdem Beatæ Mariæ Virginis de Monte Carmelo ex Indulto Sedis Apostolicæ prædictæ utuntur, in Regnis, & Dominiis Coronæ Portugalliz subjectis celebrari posse summopere desideret: Nos ipsius Mariæ Franciscæ Elisabethæ Reginae votis hac in re quantum cum Domino possumus paternæ charitatis studio annuere cupientes, supplicationibus ejus nomine Nobis super hoc humiliter porrectis inclinati, ut festum gloriosissimæ Virginis Mariæ de Monte Carmelo ab omnibus, & singulis utriusque sexus Christifidelibus, tam Sæcularibus, quam Regularibus, qui ad horas Canonicas tenentur in omnibus Ecclesiis præfatorum Regnorum Portugalliz, & Algarbiorum, ac Provinciarum, & Ditionum quarumcumque Coronæ Portugalliz subjectorum annis singulis die 16. Julii, seu alia die intra illius octavam cum officio, & Missa propria, quibus Fratres prædicti sicut præmittitur, utuntur, celebrari libere, & licite possit, & valeat, auctoritate Apostolica tenore præsentium concedimus, & indulgemus.

Prædictum Festum cum Officio, & Missa propria die 16. Julii vel alia intra octavam celebrandum extenditur ad omnes Ecclesias in locis Coronæ Portugalliz sitas.

Clausula.

§. 2. Decernentes easdem præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere; ac illis, ad quos spectat, & pro tempore spectabit in omnibus, & per omnia plenissime suffragari. Sicque in præmissis per quoscumque Judices ordinarios, & Delegates etiam Casuarum Palatii Apostolici Auditores, ac S. R. E. Cardinales, etiam de Latere Legatos, & Apostolicæ Sedis Nuntios, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiti debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, cæterisque contrariis quibuscumque.

§. 4. Volumus autem, ut earumdem præsentium literarum transumptis, seu exemplis etiam impressis manu alicujus Notarii publici subscriptis, & sigillo Personæ in Ecclesiastica dignitate constitutæ munitis, eadem prorsus fides in Judicio, & extra illud ubique locorum habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud S. Petrum sub Annulo Piscatoris die XXIV. Martii MDCLXXIX. Pontificatus nostri Anno Tertio.

Confirmatur Decretum, quo specialis Congregatio segregavit quatuor Cœnobias a Provincia Baviaræ Fratrum Eremitarum Sancti Augustini.

LIII.

INNOCENTIUS PAPA XI.

Dat. 14. Apr. 1679. An. 3.

Ad futuram rei memoriam.

Nuper ad tollendas in posterum occasiones discordiarum, & scandalorum, quæ a plerisque annis in Provinciam Baviaræ Ordinis Fratrum Eremitarum Sancti Augustini irreperant, Congregatio nonnullorum ex Venerabilibus Fratribus Nostris S. R. E. Cardinalibus super negotiis dictæ Provinciæ a Nobis specialiter deputata, in vim facultatis sibi a Nobis attributæ, Conventus Salisburgensem, Dissembergensem, Ratenbergensem, & de Schefel ab eadem Provincia Baviaræ segregavit, & dismembravit, eosque segregatos, & dismembratos esse voluit, & declaravit, uni, vel pluribus dicti Ordinis Provinciis adjacentibus commodioribus, vel magis opportunis per eandem Congregationem opportuno tempore aggregandos, & incorporandos, relictis ipsi Provinciæ Baviaræ omnibus Conventibus, quæ in Bavaria existunt, quive in ea erigentur, ac insuper Conventu Ratisbonen. dicti Ordinis, ut Provinciam Bavaricam in posterum constituerent, ac integrarent, & alias prout uberius continetur in literis dilecti filii Nostri Palatii ejusdem S. R. Eccl. Presbyteri Cardinalis de Alteriis nuncupati, ejusdem Ordinis apud Nos, & Sedem Apostolicam Protectoris deputati emanatis, tenoris, qui sequitur, vide licet --

Causa Decreti.

§. 1. Palatius Tit. Sanctorum XII. Apostolorum Presbyter Cardinalis de Alteriis S. R. Eccl. Camerarius, ac totius Ordinis Eremitarum Sancti Augustini apud Sanctam Sedem Protector. Cum in Sacra Congregatione deputata per Sanctissimum D. N. Innocentium XI. feliciter regnantem pro negotiis Provinciæ Baviaræ Ordinis Eremitarum Sancti Augustini sub die 17. Martii 1679. in Domo Emi Domini Vidoni cum interventu EE. DD. Fachenerri, Franzoni, Carasæ, nostri de Alteriis, Columnæ, & ejusdem Vidoni, ad tollendas in posterum occasiones discordiarum, & scandalorum, quæ a plerisque annis irrepererunt, resolutum fuerit consulendum esse Sanctissimum, ut ex nimium justis, & rationabilibus motivis, & causis in eadem Congregatione mature perpensis, & examinatis dignaretur dismembrare a dicta Provincia Conventus Civitatis Salisburgensis, loci Dissembergh ejusdem Diocesis Salisburgen., ac etiam Conventus de Ratenbergh, & de Schefel in Tyrolensi Ditione, eosque aggregare uni, vel pluribus Provinciis adjacentibus commodioribus, vel magis opportunis; ita ut ipsa Bavarica Provincia constituatur in posterum ex solis Conventibus in ipsa Bavaria existentibus, aliisque in ea, ut speratur erigendis, necnon ex Conventu Ratisbonensi, qui in ea remaneat. Cumque relatione sibi facta, Sanctitas Sua hanc Congregationis resolutionem laudaverit, & approbaverit, eique opportunam ad id facultatem benigne fuerit elargita: Propterea eadem Sacra Congregatio, Pontificia auctoritate, præfatos Conventus Salisburgensem, Dissembergensem, Ratenbergensem, & de Schefel a præfata Provincia Baviaræ segregavit, & dismembravit, eosque segregatos, ac dismembratos esse vult, & declarat uni, vel pluribus Provinciis, ut supra opportuno rem-

Literæ Emi Protectoris, in quibus refertur Congregationis Decretum.

Sejuncta fuerint a Provincia Baviaræ quatuor cœnobias postea a Congregatione adjungenda aliis Provinciis, in quibus Fratres

Bavarici fer-
vare pote-
rant suos gra-
dus, & præ-
rogativas.

pore per eandem Sacram Congregationem ag-
gregandos, & incorporandos, relictis omnibus
Conventibus, qui in Bavaria extant, quique
in ea erigentur, ac insuper Conventu Ratisbo-
nensi, ut Provinciam Bavaricam in posterum
constituant, ac integrent: Ita tamen, ut Reli-
giosi omnes prædictorum Conventuum Salisbur-
burgensis, Dissembergensis, & Rartembergensis,
& de Schefel quamvis ratione originis Bavari-
sint, in eodem statu, & respectu gradibus,
in quibus reperiuntur, gaudeat omnibus præ-
rogativis in Provincia, aut Provinciis, cui, vel
quibus aggregabuntur, proinde ac si ab initio
in iis professionem emisissent, absque ulla pro-
fus differentia. Eadem vero Sacra Congregatio
nobis tanquam præfati Ordinis apud Sanctam
Sedem Protectori benigne commisit, ut hanc
dismembrationem, ac segregationem Conventu-
um a se factam notificarem, prout per præ-
sentes notificamus, simulque vigore facultatis
a Sanctissimo D. N. super hoc negotio speciali-
ter Nobis factæ, præcipimus omnibus, & sin-
gulis PP., ac FF. præfate Provinciæ Bavaricæ cu-
juscumque status, gradus, & conditionis exis-
tentibus in meritum salutaris obedientiæ, sub
privationis utriusque vocis, graduum, & Officio-
rum, & in subsidium sub excommunicationis
latæ sententiæ, quam hac una pro trina canonica
monitione præmissa in his scriptis, licet invi-
ti, ferimus, aliisque nobis reservatis, & ipso
facto incurrendis pœnis, ne sub quovis prætextu,
aut quæsito colore, per se, vel per alios, direc-
te, vel indirecte impedimento sint, quo minus
præfata Conventuum dismembratio, ac segrega-
tio executioni mandetur. Datum Romæ ex Aedi-
bus nostris hac die 25. Martii 1679. I. Cardina-
lis de Alteriis Protector.

Præcepta
fuit d. segre-
gationis exe-
cutio sub cer-
tis pœnis.

Preces Su-
periorum, &
fratrum d.
Provinciæ
Bavaricæ.

Congrega-
tionis Decre-
tum, & Pro-
tektoris litem
confirmantur.

Clausula.

§. 2. Cum autem, sicut pro parte dilectorum
filiorum Superiorum, & Fratrum dictæ Provin-
ciæ Bavaricæ nobis subinde expositum fuit, ipsi
præmissa quo firmius subsistant, & ferventur ex-
actius, Apostolicæ confirmationis nostræ patro-
cinio communiti plurimum desiderent: Nos spe-
cialem ipsis exponentibus gratiam, facere volen-
tes, & eorum singulares personas a quibusvis
excommunicationis, suspensionis, & interdicti,
aliisque Ecclesiasticis Sententiis, censuris, & pœ-
nis a jure, vel ab homine quavis occasione, vel
causa latis, si quibus quomodolibet innodata exis-
tunt ad effectum præsentium dumtaxat conse-
quendum harum serie absolventes, & absolutas
fore censentes, supplicationibus eorum nomine
Nobis super hoc humiliter porrectis inclinati,
segregationem, & dismembrationem supradictorum
quatuor Conventuum a præfata Provincia
Bavaricæ, aliæque præmissa, tam a memorata
Cardinalium Congregatione, quam a præfato
Palatio Cardinale, & Protectore respectu facta,
& ordinata, ut præfertur, expeditasque
desuper ejusdem Palatii Cardinalis, & Protectoris
Literas præinsertas, cum omnibus, & singu-
lis in eis contentis, auctoritate Apostolica te-
nore præsentium confirmamus, & approbamus,
illisque inviolabilis Apostolicæ firmitatis robur
adjicimus, ac omnes, & singulos Juris, & facti
defectus, si qui desuper quomodolibet interven-
erint supplemus.

§. 3. Decernentes easdem præsentis literas
semper firmas, validas, & efficaces existere, &
fore, suosque plenarios, & integros effectus for-
tiri, & obtinere, ac illis ad quos spectat, &
pro tempore spectabit in omnibus, & per om-
nia plenissime suffragari, & ab eis respectu
inviolabiliter observari: Sique in præmissis per
quoscumque Judices Ordinarios, & delegatos,
etiam Caesarum Palatii Apostolici Auditores, ju-
dicari, & definiri debere; ac irritum, & inane si
secus super his a quoquam quavis auctoritate scien-
ter, vel ignoranter contigerit attentari.

§. 4. Non obstantibus præmissis, ac Consti-
tutionibus, & Ordinationibus Apostolicis, nec-
non Ordinis, & Provinciarum, ac Conventu-
um præfatorum, aliisque quibusvis etiam jura-
mento, confirmatione Apostolica, seu quavis
firmitate alia roboratis statutis, & consuetudinibus,
privilegiis quoque, Indultis, & literis Apo-
stolicis, in contrarium præmissorum quomodolibet
concessis, confirmatis, & innovatis. Quibus
omnibus, & singulis, illorum tenores præ-
sentibus pro plene, & sufficienter expressis, ac
de verbo ad verbum insertis habentes, illis alias
in suo robore permanens, hac vice dumtaxat
specialiter, & expresse derogamus, cæterisque
contrariis quibuscumque.

Datum Romæ apud S. Petrum sub Annulo
Piscatoris die XIV. Aprilis MDCLXXIX. Pontifi-
catus nostri Anno Tertio.

Confirmatur regia electio S. Josephi in Patro-
num, & Protectorem omnium Regnorum ac
Dominiorum Regis Catholici, & in ejus Festo
Indulgentia plenaria conceditur.

LIV.

INNOCENTIUS PAPA XI.

Dat. 19. Apr.
1679. An. 3.

Ad perpetuam rei memoriam.

EXimia pietas in Deum, ac erga Beatos Cæli
incolas cum Christo regnantes, devotionis,
aliarumque regiarum virtutum decora, cum
præclaris in Ecclesiam Dei meritis, singularique
in Nos, & Apostolicam Sedem fide conjuncta,
quibus Charissimum in Christo filium nostrum
Carolus Hispaniarum Regem Catholicum multi-
pliciter insignivit Altissimus, paternam nos-
tram in eum charitatem adducunt, ut pia illius
vota ad augendam in terris Sanctorum venera-
tionem laudabiliter tendentia libentissime exau-
diamus, celestiumque gratiarum dispensationi
nostræ divinitus creditarum muneribus decoremus,
sicut ad omnipotentis Dei gloriam, San-
ctorum honorem, Christianique populi præsi-
dium, atque ædificationem salubriter in Domi-
no expedire arbitramur.

Proceium.

§. 1. Cum itaque sicut dilectus filius nobilis
Vir Gaspar de Haro y Guzman, Marchio de
Carpio pro dicto Carolo Rege apud Nos, &
Sedem Apostolicam Orator Nobis nuper exponi
fecit, idem Carolus Rex pro peculiari sua erga
gloriosum Patriarcham Sanctum Josephum, Bea-
tissimæ Virginis Dei Genitricis Mariæ Sponsam
devotione, universa Regna, & Domina sua
illius patrocinio, atque protectioni commiserit,
ipsumque Sanctum Josephum in Patronum, &
Protectorem eorumdem Regnorum, & Domi-
niorum elegerit, cupiatque propterea opportu-
ne in præmissis a Nobis provideri, & ut infra
indulgeri.

Preces Regis
Hispaniarum
pro confir-
matione factæ
ab ipso
electionis S.
Josephi in
Patronum, &
Protectorem
suorum Re-
gnorum.

§. 2. Nos pium, & religiosum dicti Caroli
Regis animum plurimum in Domino commen-
dantes, supplicationibus ejus nomine Nobis
per præfatum Gasparem Marchionem super hoc
humiliter porrectis inclinati, de Venerabilium
Fratrum nostrorum S. R. E. Cardinalium Sacris
Ritibus præpositorum consilio, electionem me-
morati Sancti Josephi in Patronum, & Pro-
tektorem Regnorum, & Dominiorum præfatorum
factam, ut præfertur, auctoritate Aposto-
lica tenore præsentium confirmamus, & appro-
bamus, illique inviolabilis Apostolicæ firmitatis
robur adjicimus, ac omnes, & singulos juris,
& facti defectus si qui desuper quomodolibet
intervenierint, supplemus, & de prædicto Sancto
Josepho in Patronum, & Protectorem sic ele-
cto prærogativas omnes ejusmodi Patronis, &
Protectoribus Regnorum, & Dominiorum com-

Confirmatur
prædicta elec-
tio, & Sancto
concede-
duntur præ-
rogative om-
nes Patronis,
& Protecto-
res.

petentes